



ბაღდათის მუნიციპალიტეტის საკრებულო
გ ა ნ კ ა რ გ უ ლ ე ბ ა №



განკარგულება:გ-67.67252162

თარიღი:04/08/2025

გ ა ნ კ ა რ გ უ ლ ე ბ ა №20

ბაღდათის მუნიციპალიტეტის ტერიტორიაზე 2025 წლის მუნიციპალიტეტის წარმომადგენლობითი ორგანოს - საკრებულოს და თვითმმართველი თემის (ბაღდათის მუნიციპალიტეტის) მერის არჩევნების წინა საარჩევნო აგიტაციის ჩასატარებლად შენობა-ნაგებობებისა და სააგიტაციო მასალების გამოფენისათვის ადგილების გამოყოფის შესახებ

„საქართველოს საარჩევნო კოდექსი“ საქართველოს ორგანული კანონის 45-ე მუხლის მე-9 ნაწილის, ამავე კანონის 46-ე მუხლის მე-4 ნაწილის, „ადგილობრივი თვითმმართველობის კოდექსი“ საქართველოს ორგანული კანონის 24-ე მუხლის მე-2 დ ნაწილის, შესაბამისად,

ბაღდათის მუნიციპალიტეტის საკრებულომ გადაწყვიტა:

1. საარჩევნო კამპანიის პერიოდში პოლიტიკურმა სუბიექტებმა, რომლებიც მონაწილეობას ღებულობენ 2025 წლის 4 ოქტომბრის წარმომადგენლობითი ორგანოს - საკრებულოს და თვითმმართველი თემის (ბაღდათის მუნიციპალიტეტის) მერის არჩევნებში, ამომრჩევლებთან შეხვედრებისა და შეკრებების ჩასატარებლად თანხაბარი პირობებით შეუძლიათ ისარგებლონ მუნიციპალიტეტის ტერიტორიაზე მუნიციპალიტეტის საკუთრებაში არსებული შემდეგი შენობა-ნაგებობებით:

ა) არასამეწარმეო(არაკომერციული) იურიდიული პირი-„ბაღდათის ხელოვნებისა და კულტურის განვითარების ცენტრი“-ს სარგებლობაში არსებული:

ა.ა) რ. ლაღიძის სახელობის კულტურის სახლის შენობით (ქ. ბაღდათი კახიანის ქ. N 1);

ა.ბ) ცენტრალური ბიბლიოთეკის შენობა;.

ბ) არასამეწარმეო(არაკომერციული) იურიდიული პირი - მოსწავლე-ახალგაზრდობის სახლის შენობით (ქ. ბაღდათი რუსთაველის ქ. N 31)

გ) არასამეწარმეო(არაკომერციული) იურიდიული პირი - სამუსიკო-სახელოვნებო დაწესებულებათა გაერთიანების შენობებით (ქ. ბაღდათი რუსთაველის ქ. N 36).

დ) არასამეწარმეო(არაკომერციული) იურიდიული პირი-„ბაღდათის სპორტისა და მოზარდთა აქტივობის ცენტრი“-ს დარბაზი (მისამართი: ქ. ბაღდათი ნინოშვილის ქ. N 6);

ე) ბიზნესის და ტურიზმის განვითარების ცენტრი ვარციხის ღვინის დასახლებაში (მისამართი: სოფ. ვარციხის ადმინისტრაციული ერთეული);

ვ) სოფ. პირველი ობჩის ადმინისტრაციული ერთეულის ადმინისტრაციული შენობა (მისამართი: სოფ. პირველი ობჩის ადმინისტრაციული ერთეული);

ზ) სოფ. როკითის ადმინისტრაციული ერთეულის ადმინისტრაციული შენობის პირველი სართული (მისამართი: სოფ. როკითის ადმინისტრაციული ერთეული);

თ) სოფ. როხის როხის ხელოვნების სკოლის შენობა (მისამართი: სოფ. როხის ადმინისტრაციული ერთეული);

ი) სოფ. მეორე ობჩის ადმინისტრაციული ერთეულის ადმინისტრაციული შენობა (მისამართი: სოფ. მეორე ობჩის ადმინისტრაციული ერთეული)

კ) სოფ. ფერსათის ადმინისტრაციული შენობა II სართული (მისამართი: სოფ. ფერსათის ადმინისტრაციული ერთეული).

ლ) სოფელ დიდველის ამბულატორიის შენობა (დიდველის ადმინისტრაციული ერთეული).

მ) სოფ. ნერგვეთის ადმინისტრაციული შენობა (ნერგვეთის ადმინისტრაციული შენობა).

2. ბაღდათის მუნიციპალიტეტის ტერიტორიულ საზღვრებში (ადმინისტრაციული ერთეულების ტერიტორიაზე) წინასაარჩევნო კამპანიასთან (აგიტაციასთან) დაკავშირებული საარჩევნო მასალების გასაკრავ-გამოსაფენ ადგილებად გამოიყოს:

ა) მუნიციპალიტეტის საკუთრებაში არსებულ სამგზავრო ტრანსპორტის მოსაცდელეებში;

ბ) მუნიციპალიტეტის საკუთრებაში არსებულ გარე განათების ელექტრო ბოძებზე;

გ) საამშენებლო ტერიტორიების შემოღობვად დროებით ღობეებზე;

3. მუნიციპალიტეტის ტერიტორიაზე აიკრძალოს სააგიტაციო მასალებისა და პლაკატების გაკვრა შემდეგ შენობა-ნაგებობებზე:

ა) საკულტო ნაგებობებზე;

ბ) კულტურული მემკვიდრეობის ძეგლებზე და შენობა-ნაგებობებზე;

გ) სახელმწიფო ხელისუფლებისა და ადგილობრივი თვითმმართველობის ორგანოების საკუთრებაში არსებულ ადმინისტრაციულ შენობებზე (საბავშვო ბაგა-ბაღების, სამედიცინო ამბულატორიის შენობა-ნაგებობები);

დ) სასამართლოების, სამხედრო შენაერთების, იუსტიციის სახლების, პოლიციის, სახანძრო-სამაშველო სამსახურის შენობა-ნაგებობების ინტერიერებსა და ექსტერიერებში;

ე) საგზაო ნიშნებზე.

ვ) საავტომობილო გზების გასწვრივ არსებულ მრავალწლიან მწვანე ნარგავებზე.

4. ამ განკარგულების მეორე მუხლით განსაზღვრული ადგილების (ობიექტების) გარდა, სააგიტაციო მასალა შეიძლება აგრეთვე გამოიფინოს სხვა შენობა-ნაგებობებსა და ობიექტებზე (გარდა მე-3 მუხლით გათვალისწინებული შემთხვევებისა) მათი მესაკუთრეების ან მფლობელების თანხმობის შემთხვევაში.

5. შესაბამისი საარჩევნო სუბიექტი ვალდებულია, არჩევნების საბოლოო შედეგების ოფიციალურად გამოქვეყნებიდან 15 დღის ვადაში უზრუნველყოს სააგიტაციო მასალის ჩამოხსნა.

6. ამ განკარგულების დარღვევის შემთხვევაში პირს დაეკისრება პასუხისმგებლობა საქართველოს კანონმდებლობით დადგენილი წესით.

7. დაევალოს ბაღდათის მუნიციპალიტეტის საკრებულოს აპარატს, განკარგულების ქსეროასლი გადაუგზავნოს N 52 ბაღდათის საოლქო საარჩევნო კომისიას და უზრუნველყოს განკარგულების განთავსება მუნიციპალიტეტის ვებგვერდზე და გამოქვეყნება ადგილობრივ ბეჭდით ორგანოში.

8. ძალადაკარგულად გამოცხადდეს, „ბაღდათის მუნიციპალიტეტის ტერიტორიაზე 2021 წლის მუნიციპალიტეტის წარმომადგენლობითი ორგანოს - საკრებულოს და თვითმმართველი თემის (ბაღდათის მუნიციპალიტეტის) მერის არჩევნების წინა საარჩევნო აგიტაციის ჩასატარებლად შენობა-ნაგებობებისა და სააგიტაციო მასალების გამოფენისათვის ადგილების გამოყოფის შესახებ“, ბაღდათის მუნიციპალიტეტის საკრებულოს 2021 წლის 30 ივლისის N 42 48 განკარგულება.

9. განკარგულება ძალაშია 2025 წლის „მუნიციპალიტეტის წარმომადგენლობითი ორგანოს - საკრებულოს და თვითმმართველი ქალაქის/თვითმმართველი თემის მერის“ არჩევნების დანიშნის დღიდან.

10. განკარგულება შეიძლება გასაჩივრდეს 3 დღის ვადაში ქუთაისის საქალაქო სასამართლოში, მისამართზე: ქ. ქუთაისი, კუპრადის ქ. N 11.

ნოდარ გიორგიძე

ბაღდათის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

